



## **TOSHKENT DAVLAT YURIDIK UNIVERSITETI REKTORINING B U Y R U G ' I**

14.08.2024

455-tm-son

### **Talabaga hayfsan e'lon qilish to'g'risida**

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Xususan, 2024-yil 23-iyul kuni Jinoiy odil sudlov fakulteti 1-kurs talabalariga "Fuqarolik huquqiga kirish" moduli bo'yicha intensiv dars mashg'uloti olib borilayotgan vaqtda mazkur guruh talabasi Buxorova Aziza Ashirali qizi o'qituvchi U.Sharaxmetova bilan boshqa talabaning oraliq bahosini muhokama qilib, u bilan tortishib hurmatsizlik qilgan, shuningdek, talaba A.Buxorova mazkur guruh talabasi Zayniddinova Shaxzodaxon Faxriddin qizi bilan ham dars mashg'ulotiga xalaqit bergan holda o'zaro bir-birlari bilan janjallashib urushishgan.

Mazkur holat yuzasidan talabalar A.Buxorova va Sh.Zayniddinovalardan tushuntirish xatlari olinganida, ular o'z tushuntirish xatlarida haqiqatda dars mashg'uloti vaqtida o'zaro gap talashib urushib qolishganligini bayon qilishgan.

Talaba A.Buxorova o'zining xatti-harakatlari bilan Toshkent davlat yuridik universiteti Odob-axloq kodeksining 17-moddasi birinchi qismi uchinchi xatboshisi (janjallashish), 18-moddasi ikkinchi qismi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, qo'pollik qat'iyman man etiladi), 27-moddasi birinchi qismi birinchi xatboshisi (pedagog xodim bilan boshqa talabalarning bahosini muhokama qilmaslik)da ko'rsatib o'tilgan qoidani buzgan.

Talaba Sh.Zayniddinova o'zining xatti-harakatlari bilan Toshkent davlat yuridik universiteti Odob-axloq kodeksining 17-moddasi birinchi qismi uchinchi xatboshisi (janjallashish), 18-moddasi ikkinchi qismi (xodim, talaba va doktorantlarning o'zaro munosabatlarida inson qadr-qimmatiga hurmatsizlik, shaxsiyatni kamsitish, qo'pollik qat'iyman man etiladi)da ko'rsatib o'tilgan qoidalarini qo'pol ravishda buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003 yil 22 fevral,) 51-bandi va universitet rektorining 2023-yil 31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda Jinoiy odil sudlov fakulteti dekanining 2024-yil 9-avgustdagi bildirgisiga muvofiq,

### **BUYURAMAN:**

1. Universitetning Odob-axloq kodeksi 17-moddasi birinchi qismi uchinchi xatboshisi, 18-moddasi ikkinchi qismi, 27-moddasi birinchi qismi birinchi xatboshisi talablarini buzganligi uchun Jinoiy odil sudlov fakulteti 1-kurs talabasi Buxorova Aziza Ashirali qiziga hayfsan intizomiy jazo chorasi qo'llanilsin.

2. Universitetning Odob-axloq kodeksi 17-moddasi birinchi qismi uchinchi xatboshisi, 18-moddasi ikkinchi qismi talablarini buzganligi uchun Jinoiy odil sudlov fakulteti 1-kurs talabasi Zayniddinova Shaxzodaxon Faxriddin qizi mazkur harakatlar qayta takrorlangan taqdirda hayfsan intizomiy jazo chorasi qo'llanilishi to'g'risida ogohlantirilsin.

3. Fakultet dekani (D.Kamalova) mazkur buyruq bilan talabalarning shaxsini sir saqlagan holda fakultet talabalarini tanishtirsin;

mazkur holat takror sodir etilsa, talaba A.Buxorovani talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilishni o'z zimmamda qoldiraman.

**Yoshlar masalalari va  
ma'naviy-ma'rifiy ishlar  
bo'yicha birinchi prorektor**



**A.XASHIMHONOV**

Toshkent shahar

**Kiritildi:**

Dekan o‘rinbosari

D.MAMASOBIROV



**Kelishildi:**

Katta yuriskonsult

A.TURSUNOV



Direktor

SH.PO‘LOTOV

